

# UGOVOR

## UGOVORNE STRANE:

- 1. Javno preduzeće BH Pošta d.o.o. Sarajevo, Centar pošta Sarajevo, Zmaja od Bosne br. 88, 71000 Sarajevo** (u daljem tekstu: davalac usluga) koga zastupa direktor Šemso Cerić dipl. ecc.  
Identifikacioni broj: 4200682210021  
Subjektat registrovan u Kantonalnom sudu u Sarajevu  
Matični registarski broj: 1-23390-04, broj Rješenja UF-I 2439/04  
Porezni broj: 0170863800, ID broj za PDV:200682210005  
Transakcioni račun: 3389002208752866 kod UniCredit Bank

i

- 2. Stomatološki fakultet sa klinikama, Bolnička 4a, 71000 Sarajevo**  
(u daljem tekstu: korisnik usluga) koga zastupa dekan: prof. dr. sc. Muhamed Ajanović  
Identifikacioni broj: 4200542470007  
Poreski broj: 01073987  
Broj računa: 1411965320008475  
Banka: Bosnia bank International d.d.  
Budžetska organizacija: 2104024

**PREDMET UGOVORA: Prijem, prijenos i uručenje pismonosnih i paketskih pošiljaka, pružanje posebnih poštanskih usluga i plaćanje naknade za ove usluge**

### ČLAN 1.

Davalac usluga se obavezuje da će za potrebe Korisnika usluga vršiti usluge prijema, prijenosa i uručenja poštanskih pošiljaka i pružati posebne poštanske usluge u unutrašnjem poštanskom prometu.

Davalac usluga će usluge prijema, prijenosa i uručenja poštanskih pošiljaka, za koje pošiljalac zahtjeva posebne poštanske usluge vršiti u skladu sa važećim propisima kojima se reguliše pružanje usluga u unutrašnjem poštanskom saobraćaju, i propisima odredišnih poštanskih uprava.

### ČLAN 2.

Korisnik usluga je saglasan da za pošiljke koje preda na otpremu u periodu kada se na osnovu akata nadležnih organa vrši naplata doplatnih maraka (Međunarodni dan i nedjelja Crvenog križa, Nedjelja borbe protiv tuberkuloze, Dječija nedjelja i sl.), plati cijenu za doplatnu marku, a prema fakturi ispostavljenoj od strane davaoca usluga.

### ČLAN 3.

Davalac usluga se obavezuje da će:

- poštanske pošiljke koje su predmet ovog Ugovora primiti uz uvjete i na način određen Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07).

- poštanske pošiljke koje su predmet ovog Ugovora primati u pošti 71122 Sarajevo, radnim danom, osim nedjelje i praznika, u propisanom radnom vremenu, po obrazcu P-3 (Prijemna knjiga) popunjenom prema štampanom tekstu obrasca i ovjerenom od strane pošiljaoca u tri primjerka;
- da će korisnika usluga redovno snabdijevati sa preporučnim, vrijednosnim i paketskim, a po potrebi i sa ostalim naljepnicama za označavanje posebnih poštanskih usluga;
- da će poštanske pošiljke koje su predmet ovog Ugovora uručiti primaocima na način i u rokovima kako je to određeno Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07)
- da će poštanske pošiljke koje su predmet ovog Ugovora, koje imaju naznačenu adresu primaoca, a koje nije bilo moguće uručiti, vratiti korisniku usluga sa naznačenim razlogom vraćanja za svaku pošiljku pojedinačno, te obračunati povratnu poštarinu za paketske pošiljke, vrijednosna pisma i poštanske pošiljke za koje je zahtjevana posebna usluga rukovanja otkupnom pošiljkom;
- da će za izvršene usluge koje su predmet ovog ugovora izvršiti obračun poštarine prema važećem Cjenovniku poštanskih usluga JP BH Pošta d.o.o. Sarajevo i dostaviti fakturu u zakonskom roku.

#### ČLAN 4.

Korisnik usluga se obavezuje da će:

- poštanske pošiljke koje su predmet ovog Ugovora predavati uz uvjete i na način određen Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07), uz obavezu da odabere onu vrstu propisane usluge koja odgovara sadržaju, stvarnoj vrijednosti i značenju pošiljke ili saopštenju korisnika.
- u pogledu sadržaja, pakovanja, adresiranja i zatvaranja poštanskih pošiljaka iz člana 1. ovog Ugovora, koje predaje na otpremu, pridržavati se uvjeta definisanih Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07).
- poštanske pošiljke koje su predmet ovog Ugovora predavati na otpremu u pošti 71122 Sarajevo, radnim danom, osim nedjelje i praznika, u propisanom radnom vremenu, po obrascu P-3 (Prijemna knjiga) popunjenom u tri primjerka, a novine i časopise po obrascu P-1 (List predaje novina i časopisa) popunjenom u tri primjerka, i to tako što će upisati:
  - ukupan broj običnih poštanskih pošiljaka koje predaje na otpremu;
  - svaku knjiženu pošiljku pojedinačno, prema štampanom tekstu obrasca,
- u gornjem desnom uglu pošiljaka iz člana 1. ovog Ugovora za unutrašnji poštanski promet staviti oznaku "Poštarina plaćena kod pošte 71122 Sarajevo", a u lijevom gornjem uglu odštampati, odnosno napisati, naziv i adresu pošiljaoca;
- na poštanskim pošiljkama, za koje zahtjevu posebne poštanske usluge, lijepiti naljepnice za označavanje posebnih poštanskih usluga, a da će preporučne, vrijednosne i paketske naljepnice lijepiti na poštanske pošiljke prema redoslijedu prijemnih brojeva;
- poštanske pošiljke mase preko 20 grama, te sve pošiljke čiji sadržaj nije isključivo pisano saopštenje, a koje glase za primaoce u poštanskom prometu, predavati otvorene, kao i da će sve

pošiljke koje podliježu carinskom pregledu predavati samo kao preporučeno pismo, vrijednosno pismo ili paket, uz priložene potrebne obrasce;

- prilikom predaje tiskovina davaocu usluga dostaviti na uvid jedan primjerak pošiljke, te garantovati da je sadržaj pošiljaka koje predaje na otpremu identičan primjerku koji je dostavio na uvid.

#### ČLAN 5.

Korisnik usluga se obavezuje da za izvršene usluge koje su predmet ovog ugovora davaocu usluga plati:

- poštarinu za prijem, prijenos i uručenje pošiljaka, prema Cjenovniku poštanskih usluga JP BH Pošta d.o.o. Sarajevo važećem na dan predaje pošiljaka na otpremu, a u zavisnosti od mase poštanske pošiljke i korištenja posebnih poštanskih usluga, odnosno označene vrijednosti paketa, mase paketa, udaljenosti odredišta i korištenja posebnih usluga;
- povratnu poštarinu prema važećem Cjenovniku poštanskih usluga JP BH Pošta d.o.o. Sarajevo, shodno Članu 3. stav 5. ovog Ugovora, za sve neuručene paketske pošiljke, vrijednosna pisma i poštanske pošiljke za koje je zahtjevana posebna usluga rukovanja otkupnom pošiljkom;
- cijenu za doplatnu marku za pošiljke koje su, shodno Članu 2. ovog Ugovora, predate na otpremu u periodu kada se na osnovu akata nadležnih organa vrši naplata doplatnih maraka.

#### ČLAN 6.

Ugovorne strane su saglasne da posljednji dan u mjesecu bude dan za obračun usluge za tekući mjesec.

Korisnik usluga je obavezan plaćanje usluga iz člana 1. ovog Ugovora izvršiti u roku od 30 (trideset) dana od dana prijema fakture.

Ukoliko korisnik usluga ne izvrši svoje obaveze iz stava 2. ovog člana plaća zateznu kamatu po stopi utvrđenoj zakonom.

#### ČLAN 7.

Ovaj Ugovor se zaključuje na period od godinu dana, računajući od dana potpisivanja obje ugovorne strane.

Ugovorne strane mogu ovaj Ugovor raskinuti na osnovu pismenog zahtjeva jedne od ugovornih strana, s tim da je otkazni rok 15 (petnaest) dana od dana podnošenja pisanog zahtjeva za raskid Ugovora.

O svim izmjenama koje su relevantne za izvršenje ovog Ugovora (promjena adrese, preregistracija firme itd.) Korisnik usluga je obavezan izvjestiti Službu za poštansku eksploataciju u Centru pošta Sarajevo.

#### ČLAN 8.

Ugovorne strane će sve sporove koji eventualno proisteknu iz ovog Ugovora rješavati dogovorom, u suprotnom nadležan je Sud u Sarajevu.

## ČLAN 9.

Ovaj Ugovor zaključen je u 4 (četiri) istovjetna primjeraka, od kojih za svoje potrebe 2 (dva) primjerka zadržava davalac usluga, a 2 (dva) primjerka korisnik usluga.

ZA DAVAOCA USLUGA



DIREKTOR  
Šemso Cerić, dipl.ecc

Br: 10.2-11-10-268/20  
Datum: 23. 09. 2020

ZA KORISNIKA USLUGA

Stomatološki fakultet sa klinikama  
Univerziteta u Sarajevu



DEKAN

Prof.dr.sci Muhamed Ajanović

Br: 02-2-1-48-25-20/20  
Datum: 16.09.2020. godine